



An ewe Hawaii Judiciary (Usseisomw) amèkkùt ren ewe wachemuken samau COVID-19

Mi eueha: Porous non ei taropwe rese tichik pun menap uchok. Ew me ew nenian kopung non (Oahu, Sopun Maui, Hawaii Island, me Kauai) a wor an nemenem ren fèfèrùn pungun an angang an epwe masech ngeni met a euehani non ei fansoun ei samau mi napanap, iwe a pwan fan nemenian ewe meinapen soukopung non pwan an etipew ngeni chon eto churi kopung ren inet epwe kawor fansoun arongorong pwan fan itan ika epwe tongeni fis fan tumun me wenewen. Wisan ekkewe imwen kopung epwe tumunu ekkewe anepung an aramas me pwan tumunu manawan chochon ach eterenges. Sia achocho nengenifichi nonomun ekei fansoun sise kuna echu mwach iwe sia pwan kapachech non ach fori wisach ngeni aramas me pwan tumunu manawan aramas.

Met a fen amwet tori murin 4/30/2020?

Napengeni keis ra fen amwet. Ekkewe chok keis mi kon pachaw me èùkùk ar fansoun repwe chiwen fis. Ika mi wor noum souannuk kose mochen kokorir ren om kapaseis.

District Court

- Ekkewe keis an ekkewe chon attai annukun won anenap rese nom non kanapus.
- Ekkewe keisen tipis kukun an chon churi kopung rese nom non kanapus.
- Ekkewe keisen otutur mi kisikis nefinan aramas.
- Ekkewe keisen otutur nefinan aramas pachenong nefinan chon rent imw me mine imwan.
- Ekkewe keisen DUI/DWI (unteng fansoun punas)
- mm Community Outreach Court.

Kopung fan itan pekin famini

- Ren mi mwufesen.
- Ren kuten semanapan emon.
- Ren chon tumunu semirit me ekkewe ra wate mi wor terir, esapw pachenong ekkewe mi pachaw.
- Ren mwumwu.
- Ren tumunun mi ter non mokurer.
- Ekkewe arongorong an ekkewe semirit rese nom non kanapus, aweve ren pungunon kopung, anea sefan, èùkù pisekin pwarata, me kopung.
- An semirit kewe sokun arongorong, aweve ren afor, kopung, me etipew.
- Ekkewe tingoren angei sefan noum nikesuk non ekkewe keisen osukosuk non famini.

- Ekkewe sokopatan kopung an Fopun, Semirit mi angei drugs, Famini mi kokotiw ren drugs, Imua Kakou, me ewe Zero to Three Court.
- Ewe Kids First Program.

Nenian kopungun chon atai annuk

- Ekkewe kopung mi fis fan mesen chon opungu kopung ika pusin soukopung.
- Ekkewe mwicheichen chon opungu kopung.
- Ekkewe nenien kopungun chon angei Drugs, mi ter non mokurer, mi pin sounfiu, chinon chok Ekkewe mi kon euecha.
- HOPE propeison ren ekkewe ra kan chunong ren fiti ar arongorong, chinon ekkewe arongorong mi kon euecha.

Nenien kopungun sifin keis

- Ekkewe kopung mi fis fan mesen chon opungu kopung ika pusin soukopung.
- Meinsin ekkewe ra kan chunong fiti arongorong fan mesan Soukopung Castagnetti ren chapen niwinimang.
- Non meinsin sifin keis, ekkewe ra kan arongorong ika mwiich ra tongeni amwet meren pusin soukopungun, chinon ika ewe soukopung pusin non an finata a mefi pun mi tufichin awora arongorong won fon ika ren an esapw pwan wor arongorong ika anini non. Epwe wor esinesin ngonuk me noumwe souannuk ika epwe ifa fetanin meren kopung.

Met ekkewe mi chiwen fiti ranin ar repwe fis?

District Court

- Keisen eimwufesenin aramas non mochomochen fansoun
- Keisen tipis kukun me ekkewe kisitiw fan ren ekkewe ra chiwen nom ren ponis, non kanapus, ika fen imwen fètek me pwan non ewe Hawaii State Hospital.
- Keisen traffic an ekkewe ra chiwen nom ren ponis ika non kanapus.
- Aewin arongorong ren ekkewe ra chiwen nom non kanapus.
- Aewin arongorong an ekkewe ra museno nge ra angei ar pung pun epwe mutir fis ar kopung esapw mang seni 30 ran.
- Arongorong won mwonien katou fan itan mi chiwen nom non kanapus.
- Arongorongen musenon chon fori tipis wate.
- Arongorong mi nom fan annuk Sopun 704 ren mi ter non mokurer.

Kopungun pekin famini

- Ren toropwen tingoren imwufesenin aramas non mochomochen fansoun.
- Ren taropwen epetin pisekin afeiengaw are nikasuk.
- Keisen chon anomu semirit mi witiwit non ewe Hale Hoomalu.
- Arongorong ren nenian anomu mi ter.
- Ren weiweitan kefinin chon anomu semirit.
- Arongorong ren nenian emon semirit fansoun witiwiti kopung.
- Keisen Child Welfare Services, pachenong poputan ika sopesoponon tingoren anomu semirit fan tumunun famini, me tingoren anomu semirit non ekkewe nenien semirit.
- Aewin arongorong me arongorong won pisekin pwarata non keisen tipis wate.

- Arongorong won keukun pisekin pwarata me fansoun ponueni otutur.
- Arongorong won mwonien katou.
- Aworen annukun emon epwe nomonong non nenian mi ter.
- Ekkewe tingoren komonon annukun chon nom nukun kanapus.
- Arongorong meinisin mi pachaw me euehea meren pusin kopung epwe fis non ranin mi kawor.

Nenien Kopungun chon atai annuk

- Arongorongen otutur me ponuan me titinon emon epwe churi kopung me ekis.
- Aewin arongorong non ekkewe keisen tipis wate.
- Aewin arongorong an chon churi kopung mi chok nom non kanapus.
- Arongorong won mwonien katou.
- Meinisin arongorong kopung a mefi pun mi euehea repwe fis non ranin epwe kawor.
- Arongorong meinisin fan itan mi ter, pachenong taropwen tonong non neian mi ter, tingoren komonon ekkewe annukun mi mwus, me pwan met arongorong mi euehea repwe fis fiti ranin epwe kawor.

Nenien kopungun sifin keis

- Ekkewe meinisin mi pachaw me atapwan meren ewe meinapen soukopung, aweue ren tingor mi atapwanapwan ren imwufesenin aramas ika tingoren eoch fofor epwe pinepin.
- Epwe sopouloso angangen kopung non ekkewe sifin keis won fon are ren pusin kopung non pusin pwan an kopung fansoun.
- Ekoch ekkewe keis a tongeni amwet ren etipew ika ren pusin an kopung eureur mi pachenong minefo ranin.
- Ekkewe arongorong won porousan are pungunon ew keis a tongeni fis nukun imwen kopung ika non pwan ew fansoun ewe soukopung a amweta ngeni.
- Arongorong won emwirinima ra kan fis won fon, chinon ika soukopung e siwini.
- Kokori noumw souannuk ika pun e wor om kapaseis ren om keis. Ika pun ese wor noumw souannuk nge kose mo pwan rong meren kopung porousan om keis, kori an ewe soukopung we ofes, ewe a wisan mesemes won omw we keis.